

# Wachakalpijax carta, Juan lelpox

---

**Amxot jum-aechpox diachwajnakolaxpox, nejxasiyaxbej**

1 Xan, anciano, lelx ampacarta xamal Dios naexasitampimliajwa, xamal Dios makanotpimliajwa. Diachwajnakolax xamal xabich nejxasinkax. Xan kaenan xamal nejxasinka-enil. Puexa asew jiw chiekal matabijapi diachwajnakolaxpox, japi jiwbej xamal nejxasink.

2 Xamal nejxasinkax, xatis puexa naexasich xot diachwajnakolaxpox Diosliajwa. Amwutjel japox naexasisfulas. Japox naexasisfulaxaes pomatkoicha. 3 Xan kawajnajax waj-ax Dios, paxulan Jesucristobej, japi xamal xabich kaja-chawaesliajwa, beltaeliajwabejpi, chiekal duilaliajwambej, asew jiw suapich. Xan waj-ax Dios kawajnajax, Jesucristobej, diachwajnakolax xamal nejxasinkam xot Dios.

4 Xan xabich nejchachaemlax, taenx wut asew jiw xamalxot kofa-elpox naexasisfulpox Jesús pejwajan. Japi jiw chiekal duilaful, me-ama waj-ax Dios naktato'al duilafulaliajwas, asew jiw naekichachajba-elaxtat. 5 Takoew, xamal nejxasinkax-pim, to'ax nakaewa nanejxasinkaliajwas. Japatato'lax jela-el. Japatato'lax chajiakolaxtat xatis jumtaens wut, naexasisfulas. 6 Dios tato'alpox naexasisfulas wut, asew jiw chiekal nakmatabija xatis Dios nejxasinkaspox. Dios tato'alpox nakjum-aech: “¡Xatis nakaewa nanejxasinkaxaespox kaematkoisful!” —nak-aechox, tato'al wut. Japox xatis chajia chiekal matabijas, akaseskolaxtat naexasisfulas wut Jesucristo pejwajan.

**Ampathatat xabich maenkpox naekichachajbapijiw**

7 Ampathatat xabich maenk naekichachajbapijiw. Japi asew jiw naewajan. Japi naexasis-el Jesucristo, Dios paxulan

paskpon atontat ampathatat. Jasox nejchaxoelpi, japilap jiw nae-kichachajbapijiw. Japibej Jesús padaelmajiw.

**8** ¡Xamal kaenanula najut chiekal natataeflafulde napelsasamata nabistampoxanliajwa, Dios chaxdusaxaelpox chiekal puexa kifisliajwam!

**9** Xamal naexasisfulam wut Jesucristo naewuajanpox, jam wut, waj-ax Dios, japon paxulan Jesucristobej, xamal kajachawaesfulaxael. Pe asax naexasisfulam wutlax, ja-am wut, Dios xamal kajachawaesfulaxil. **10** Nejmachjiw pat wut xamalxot naewuajnalijwa asawuajan, japi jiw naexasis-el wut Jesús naewuajanpox, ¡japi to'im asale! ¡Nabey tapae' nejba leliajwa asawuajan xamal naewuajnalijwapi! ¡Moi! —¡nabey aeche'bej japi jiw! **11** Japi jiw bu'kulaxaelam wut, tapaeaxaelam wutbej nejba leliajwa, ja-am wut, japi pejnaewuajnax, babijaxpox, xamal, me-ama kajachawaesaxaelam.

### **Amxot Juan kitoesaxaelpox lelpox**

**12** Xan xabich wuajan xamal naewuajnalijwan. Pe xanliajwa chiekal nawepachaema-el japoxan lelaliajwan cartatat. Xanlax tajut chiekal nospaesian, xamal suapich. Samata, asamatkoi xamalxot patx wut, nospaeyaxaes kaeyaxtat, chiekal nejcha-chaemlaliajwas. **13** Amxot duili, naexasiti Jesús pejuwajan, Dios makanochpi, japibej saludos xato'a xamalliajwa.